



# **Universitätsbibliothek Paderborn**

## **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Decreta Generalia Visitatoris Apostolici In Synodo Dioecesana  
Mediolanensi V. Iussu Illustriss. & Reuerendiss. Caroli Cardinalis  
Archiepiscopi De suggestu lecta, & promulgata, vt infra. Carolus S. R. ...

**urn:nbn:de:hbz:466:1-11399**

# DECRETA GENERALIA VISITATORIS APOSTOLICI

IN SYNODO DIOESESANA

MEDIO LANENSI V.

Iussu Illustris. & Reuerendiss. Caroli Cardinalis Archiepiscopi  
De suggestu lecta, & promulgata, ut infra.

Carolus S. R. E. Presbyter Card. Tit. S. Praxedis, Dei, & Aposto-  
licæ sedis gratia S. Mediol. Eccl. Archiep.

Præfatio ad lectionem decretorum Visita-  
toris Apostolici.

**S**IC VT vtile saluta-  
req; est, ac necessas-  
riū visitatiū munus:  
ita illud in vrbe diç  
cesiq; nostra Medio-  
lanensi Visitator A-  
postolicus Reueren-  
tissimus Episcopus Famaugustanus vt i-  
liter accurateq; præstítit. Quare vt cum  
vrbis dicteesiq; nostræ vtilitati atque  
spiritualibus p̄gressionibus seruamus;  
tum maximè etiā satisfaciamus, & debi-  
to obedientia officio, & piæ vigilantis  
illius Episcopi sollicitudini, & ardentí  
desiderio, quo decreta illa exequendi te-  
nemur: vobis vniuersis, & singulis, per  
quos illorum executio diligenter præ-  
standa est, ea ipsa decreta iam pridē vo-  
bis edita, in hoc diœcesano conuentu  
etiam atque etiam studiosè repeti incul-  
cariq; mandauimus.

**D E C R E T A G E N E R A L I A**  
A Reuerend. D. Hieronymo Epi-  
scopo Famaugustæ, Apostoli-  
co Visitatore Sancte Me-  
diol. Ecclesiæ con-  
fecta.

Quibus tamen de particularibus Decre-  
tis nihil derogatur. in ijs scilicet, in  
quibus contra, non preter ipsa gene-  
ralia quidquam statuitur.

**Q VÆ A D C VLTVM**  
Ecclesiarum pertinent.

**S A C E R F O N S .**

**N**ON baptizetur in ijs Ecclesias,

in quibus sacer Fons nullus est.  
Sex verò mensum spatio transacto &  
Decretorum hōrum editione, non ba-  
ptizetur in ijs sacris Fontibus, qui infra  
notata sigillatim descripta non habe-  
buntur: sed ad viciniorē Ecclesiam ejus-  
dem Portæ, vel Regionis in vrbe, Ple-  
bis autem in Diœcesi infantes deferentur  
ad baptizandū, in qua Ecclesia Fons  
ipse ad eam formam erit redactus:  
Quod si nullus in ipsa Plebe, aut Regio-  
ne Vrbis eiusmodi Fons reperiatur (ab  
eadem Plebe, aut Regione, nisi aliter  
ali quando Reuerendissimo Archiepi-  
scopo videbitur, non recedendo) in eo  
Fonte interea baptizetur, qui Vicarij  
Foranei in Diœcesi, in Vrbe verò Pre-  
fecti Portæ, vel alterius ad id electi à  
Reuerendissimo Archiepiscopo iudi-  
cio, plura, ac potiora habebit ex re-  
quisitis.

Quæ quidem hæc sunt.

1. Petra, non lateritia, sed è marmo-  
re constans, vel è solido lapide: si qua-  
verò eiusmodi Petra reperiatur, que-  
tata non sit, & aqua effluat, Vas in ea

L 3 ram-

ramneum stānatum ponatur, quod eiusdem magnitudinis sit, ac petra ipsa eam quē strīctim vndiq; & aptè tangat, eiq; coniunctim adhēreat; atque id, donec p̄tra alia tuta comparetur; quod erit cūrandum, vt quamprimum fiat.

2 Operimentum, quod Ciborium appellatur.

Atq; id quidem quacunq; forma sit, lo-  
cum aptum habeat ad Sancta olea, atq;  
alias res ad baptizandum necessarias  
commodè assūrandas.

3 Tabella intra Ciborium, ac Fōtem ipsum collocata, Fontis ipsius ostiū clau-  
dens; quæ quidem Tabella in ijs tantum modo Baptisterij desiderabitur, quæ la-  
pide adeo magno constabunt, vt licet  
eius medietas à Tabellæ ipsius parte,  
quæ immobilis est, occupetur; satis ta-  
men abundè locus relinquatur ad infan-  
tis caput immerendum.

4 Conopeum, quo Ciborium ipsum aptè tegatur.

5 Septum; quod si per facultates, Reuerendissimi Archiepiscopi, vel eius cui id munieris ipse dederit, iudicio, ferre, vel lapideum esse non poterit, eiusdem scripta facultate lignum construatur.

6 Tegmen, vbi Baptisteriū extra Nic-  
eiam sit, vel Cappellam forniciatam;  
quod quidem tegmen ex assūribus etiam poterit constare; vel tela decen-  
ter picta.

Verū in parietis concavitate ad he-  
micycli speciem (quæ Niccia, vt supra  
vulgò dicitur,) vel in Cappella Bapti-  
sterium ipsum multò decentius consi-  
stet: quam Nicciam, seu Cappellam, qui-  
se obligarint constructuros, anni etiam illis terminus à Reuerendis Archiepi-  
scopo concedi possit.

7 Sacrárium, quod omnino iuxta ip-  
sum Fontem sit in pariete excavatum;  
vel in columella iuxta ipsum Fontē ere-  
cta, vt eodem opere plane, & Fons ipse,  
& Sacrárium concludatur.

8 Pictura in pariete Sancti Ioannis Christum Dominum baptizantis: eō or-  
natior atq; decentior, quod erit Ecclesia ipsa insignior.

Collocatus ipse Fons sacer sit à Sini-  
bris in Ecclesia ingressu.

Verū tractatur de ea re accuratius

in libello, quem consecit Illustris. Ordinarius ex Conciliis Provincialis De-  
creto, de rebus Ecclesiæ materialibus; ad quorum exactam formam Baptisteria ipsa omnia erunt utique redigenda:  
Atque vt id facilius etiam intelligatur,  
& habeat vnuquisque vnde sibi exem-  
plum sumat; ponatur ad earum instru-  
ctionum præscriptum Fontis ipsius e-  
xemplar in Cathedralis Ecclesiæ Sa-  
cristia.

Ac in Plebis quidem, & alijs insi-  
gnibus Ecclesijs (vt par est) multò or-  
natior, & celebriori etiam forma quā in ceteris, Fons ipse desiderabitur. Cu-  
retur autem, vt tam Baptisterij, quā  
Sacrarij amplioris antiqua forma (cu-  
jus nunc aliqua alicubi apparent vesti-  
gia) retineatur, ac restituatur.

In Ecclesijs autem Diocesis huius,  
quæ ritu Romano vntunt, pari ratione procedatur: sed Tabella illa ostiū Fontis claudens, in his planè requiritur: si-  
quidem in his per infusionem, non per immissionem baptizatur: Sacrarij au-  
tem forma non erit eadem; sed ea pro  
ecclesiarum conditione demonstratur  
in generalibus Instructionibus supra-  
scriptis.

Prater Sacrarium ipsum sacro Fonti  
adiungunt, alterum etiam in Paro-  
chialibus Ecclesijs, atque etiam in Col-  
legiatis, & ceteris omnibus, in qui-  
bus frequenter solet celebrari, erit con-  
struendum iuxta Generales ipsius In-  
structiones.

Antiqua Sacraria, quæ ad formam præscriptam non sunt, vel ad eam for-  
matum redigantur, vel omnino tollantur.

### Vascula pro sanctis oleis.

D E forma Vasculorum pro Sanctis  
Oleis, & Sale, & de Cutulis, &  
Buris pro eorum custodia, tractatur itē  
abundè in Instructionibus suprascrip-  
tis: Verū ponatur materiale eorum  
Vasculorum itidem exemplar in Cathe-  
dralis ipsius Ecclesiæ Sacristia.

Vasculo Olei infirmorum alibi non  
teneatur quā in Ecclesia, fenestella ad  
præscriptū Concilij Provincialijs. III.  
construā.

Qui-

Tit. quæ  
sacramen-  
tia, & fac-  
tia  
pag. 91.  
Sacrum  
teria.

Quibus verò ex eodem Concilio aliquid domini habere ipsum Sanctum Oleum permittitur, fenestellam ipsi loco decenti in eadem domo construant, ut in honore custodiatur.

Alia Vascula in ipso Sacri Fontis Ciborio, ut supra dictum est, erunt asseruanda cum Sale.

### A L T A R I

Altare unumquodque esse debet huiusmodi necesse est.

**L**apidum, vel saltē lateritium, ita extractum, aut recē innatum, ut fenestella, foramenve nulla ex parte relinquitur, ubi quidquam asseruari possit, aut recondi, nisi forte reliquiæ Sanctorum sint: sed si columellis erit suffultum, neque in eo quidquam subtilis ponatur.

Altitudinis à Scabello ligneo, vel Bradella cubitis duobus vncijs octo sit; longitudinis verò utique ad minus cubitum quatuor, latitudinis item saltē cubitis duobus.

Hæc autem habeat omnino.

Iconam, vel saltē picturā in pariete.

Crucem.

Candelabra saltē duo.

Cartulam cum secretis è regione postiam Sacerdotis celebrantis.

Petram sacratam (si mensa ipsa consacrata non sit) mensa ipsius medio aptè insertam. Mensa autem vnicuique non consecrata tabula lignea superponatur, quæ mensam ipsam totam conteget, in eaq; sacrata Petra inserta sit: consacrata verò Mensa tela cerata cooperiatur, quæ totam ipsam Mensam regat, etiam si ex parte lateritia sit.

Petra ipsæ sacrata ad annum permitetur, quæ lōgitudinis vniarum xiii. latitudinis verò x. saltē sunt; quæ verò longitudinis xvij. paulò verò maioris latitudinis erunt, ad biennium; quæ autem xvij. longitudine, latitudine autem paulò item maiores erunt, ad trienium: sed transacto triennio permittitur nulla, quæ prescripte magnitudinis, vniarum scilicet viginti in longitudine, sexdecim in latitudine non re-

perietur, præter capsæ cui inserta erit, dimensionem.

Quæ nāiores sunt prima tolerata mensura, frangantur statim, reliquis que in eis inuenientur, honestè asseruatis.

Tobaleas tres, quarum una ad planum vñsq; pertingat, aliæ dux, quæ diuise sint, totam mensam contegant.

Totidem Tobaleas præterea esse debent, ut possint mutari, cum erunt pugnare.

Paluinarum vnum parvulum pro Missali in Altare fulciendo.

Telam viridē, aut alterius coloris, ad Tobaleas a puluere defendendas.

Teglate ligneum vulgo appellatum, cui pallium possit commodè affigi.

Pallium decens, quod tamen non ideiū semper esse debebit.

Scabellum ligneum, vulgo Bradellam, quæ à fronte Altaris cubitos saltē duo producta latè pateat.

Tegmen ex ascribus, aut tela cærulea honestè picta confectum, ubi fornix non est, qui totum Altare tegat, aut ei adeo proximus, ut sepè purgari facile, & commodè possit.

Fenestellam in pariete à parte Epistolæ aptè constructam, ad aquam excipiendam ablutionis manuum Sacerdotis celebrantis, & ad peluim cum Vrceolis collocandam.

Septum ferreum, vel lapideum, altitudinis cubitorum circiter trium, aut (si ita Reuerendiss. Archiepiscopo visdebitur, vel in Visitatione ita cautum sit) ligneum; quod quidem ligneum ex altitudine, & forma etiam poterit construi, ut ad illud possint commodè genua flecti.

Inter septum autem, & altare (non tam maius) id spatijs sit, ut clericis ministranti locus relinquitur, Missam audiētibus non item: distet verò omnino septum ipsum à scabello ligneo saltē cubito uno vncijs octo: & quamvis interullum illud paulò esset maius, eò tamen Missam audiētibus non erit permittendus ingressus.

In ijs autem Cappellis, quæ quidem habent septum, sed longè distans ab Altari, sepè altera erit apponenda.

In Altaribus verò majoribus profitus

L 4 capa-

capacitate spatiū ipsum esse debet; sed plane huiusmodi, ut Missis maioribus possit commodè ministrari.

15. Tintinnabulum, vel appensum ad Altare, vel certe è Sacristia delatum.

Sex mensium spatio transacto à Decretorum horum euulgatione in ijs altarisibus non celebretur, que ad prescriptam formam non erunt redacta, ijsque omnibus rebus instruēta, que supra declarata sint etiam si maiora altaria sint.

In quibus autem Ecclesijs plura altaria sunt, in eo celebretur, (hęc maius non sit) quod ad prescriptam formam erit redactum; quod si nullum in ipsa Ecclesia erit eiusmodi, in eo celebretur, quod Vicarij Foranei, vel alterius ad id deputatā Reuerendiss. Archiepiscopo in Dioecesij in ciuitate vero Prefecti Portæ, vel alterius itidem deputati iudicio;

In Regularibus autem Ecclesijs, eiusdē Ecclesia superioris sententia, ad ipsam formam magis accedit, eamq; plus imribitur, atque exprimet: Anno vero elapsō Altaria omnia demoliantur, que superdicta requisita non habebunt; prēter maius, quod curetur omni ratione, ut ad formam primo quoque tempore redigatur, Ecclesiæ ipsius Sindicos curatoresve, si qui sunt, ab Ecclesiæ ingressu prohibendo, Ecclesiam ipsam interdicendo, Rectorem multando, atque eam à Missæ celebrations suspendendo, aliaque huiusmodi respectiue agenda, que Reuerendiss. Archiepiscopo videbuntur expedire.

Quod idem hat sex mensium tantum transacto termino, in ijs Ecclesijs, in quibus Altare maius unicum est.

In Regularium autem Ecclesijs si id non præstabitur, Reuerendiss. Archiepiscopi manus sit, Superiores ea de re admonere, & duorum mensium elapsō termino, si ex admonitione non proderit, id ad Sanctissimum D. Nostrum omnino referre.

In quo Reuerendissimæ ipsius Dominae trionis conscientia uehemeat oneratur. Liberum autem atque integrum sit Reuerendiss. ipsi Archiepiscopo, & Regularium Superioribus Provincialibus, anni spatium suprascriptū Altaria ad formam non redacta demoliendi, ad sex

præterea menses protrahere, si ante eauerit publico instrumento idonee, id eo termino omnino præstandum.

Quod si Altare aliquod reperietur, cui Nicciam quis vulgo appellatam ad Emyctis speciem in parietis concavitate ad formam velut construere, aut foras Cappellam integrum edificare, secundus ad id annus concedi possit, præfita cautione suprascripta.

Neq; Altare vllum in posterum edifice tur, si quidquam desit ex suprascriptis requisitis; quodq; præterea non habeat iuxta Instructiones generales, Calicē, & alia instrumenta, paramenta, & ornamenti congrua ad Missam celebrādam: vel idonee publico instrumento cautum fit, infra biennium ad summum fore, ut ea cum parentur.

Altare unum quodq; statim amouetur, quod subter Suggestum, aut Organum, aut ad columnam, vel Pilam edificatum sit, aut aduersum sit Altari maiori; neque in posterum Altare vllum in locis eiusmodi edificetur, aut quod alteri Altari, præsertim maiori, nimis propinquum, aut vbi septum commodè non admittat, atque Ecclesiam vlo modo impedit, vel plane non respondeat forma, & regulis prescriptis in generalibus Instructionibus suprascriptis.

Obligationes atq; onera quæ Altari alicui imminent, adimplantur interea ad Altare illud, in quo subscripta ratione poterit celebrari.

Quæ obligationes autem, & onera, item emolumenta quæcunq; atq; etiam Tituli altarium, quæ vel iā amota sunt, vel amouebūtur, particularibus, vel generalibus huius Venerationis decretis, transferantur ad alia Altaria iam constructa vel construenda in eadem Ecclesia, quæ Reuerendiss. Archiepiscopus, vel Regularis Superior censuerit.

Quod si Altare aliquod cū dote, vel legato reperietur huiusmodi, quod Reueren. Archiepiscopo, vel Provinciali Regulari videbitur ornamētum afferre Ecclesiæ, neq; esse demolitum, sed omnino instruendum; neq; ratio alia apparat id faciendi; subtrahi possit interea, vel totū, vel aliqua ex parte seruitū, & ea pecunia ipsi instructioni applicetur.

Verū

Verum si redditus debiti seruitij necessariam impensam superabunt, totum illud quod superabundat, ad hanc impensum transferatur: Atque id nisi nomina tim aliter in ipsa Visitatione eautum, iussum ve sit, aut aliter Reuerendiss. Archiepiscopo videbitur, & Regularium Provincialibus iusta de causa qui etiam rationem habeant aliorum onerum, si qua eidem Altari nominatim incumbunt.

## S A C R I S T I A.

HAEC habeat Sacraria vnaque;

Armarium, vel Vestiarium ad Paramenta conseruanda; ipsa vero Paramenta eiusmodi, quae iuxta instructiones generales à Reuerendiss. Archiepiscopo ex Decreto Provincialis Cōcilij cōfēctas, pro Ecclesiæ, aut Cappellæ, atq; etiam altarium facultate requiruntur. Idem dicitur de Missalibus, de Calicibus, Patenis, velis pro ipsis Calicibus cooperieris, & facculo pro ijs reponendis, Corporalibus, Purificatorijs; quæ omnia ad præscriptam eisdem regulis formam & mensuram fint, neque Vas desit ad ea lauanda ramneum stannatum; sed ex Aurichalcho, vbi facultates sufficiunt; neque item Peliculæ, & Vrceoli desideretur. Non adhibeantur autem in Sacrificio Vrceoli argentei, vel ex alia materia, vt appare extra clarè non possit aquæ & vini color. Non desint item in Parochialibus Thuribulum cum Nauicula, & Cochleari, & Sitalus pro aqua benedicta cum Aspersorio, & Pocula virtrea ad dñndam Purificationem; quæ nullo modo detur Calice.

Oratorium separato quanti fieri poterit loco possum, atq; disiuncto, in quo possit Sacerdos in solitudine se colligere, & orare; vt dicetur inferius, cùm de ipsis Sacerdotibus, & Missa agetur: Ad ipsum vero Oratorium in pariete Orationes ad id propriæ affixæ sint.

Labellum cum Manutergio appenso ad manus abluedas & abstergendas ante & post Missæ celebrationem.

Cartulam cù orationibus sacro vni cūq; indumento accommodatis; quas attente reciter Sacerdos, cùm sacras ipsas vestes induit, & exiit.

Tabellam appensam in pariete cum

descriptis oneribus Missarum, & Annua lium omnium, quæ illi incumbunt Ecclesiæ: & quo die vnumquodq; erit per solendum.

Librum pro Missis annotandis ad præscriptam regulam, vt in singulos dies celebrantur.

Silentij nomē appensum magnis literis, quod seruetur utique, omisis verbis omnibus, quæ necessariò in eo loco proferenda non sunt; quod re ipsa omnino præstet.

Ligneum ostium (vbi id cōmodè fieri poterit) extrinsecus communis ostio appositum, quod pondere appenso, ex se ipso pessalo claudatur; fenestellaq; habeat clavis ferreis septâ, vnde laici homines possint, si quid velint, è Sacraria querere; quibus laicis eò patere ingressus nisi urgenti necessitate non debebit. Vbi vero ostium ipsum extrinsecus fieri non poterit, fenestella ipsa omnino aperiatur ad præscriptam formam in cōmuni ostio.

Decebit autem, vt in Sacraria insignium præsertim Ecclesiarum, si tapetia desint, crata lignea pauimēto ipsi superponatur, in qua Sacerdos stas sacras vestes induat.

Hofia à laico homine nullo conficiantur.

Vbi in Visitatione locus Sacraria constructioni expreſsè assignatus non est, priusquam ea edificetur, forma accipiat à Reuerendiss. Archiepiscopo.

T A B E R N A C U L V M. L I G N E V M  
pro Sanctissimo Sacramento  
conseruando.

PANNO serico ab intus ornatum sit.

Conopœo decenti pro Ecclesiarum cultute contectum.

Bene, ac tutò clausum: cuius clavis à nemine, quam à Rectore teneatur.

Ita aptatum, vt ex eo possit Sanctissima ipsa Eucharistia commodè extrahiri, neque super Altare propterea ascendendum sit.

Vacuum à Reliquijs, vasculo Olei infirmorum, atque etiam inani Vase; vt omnino nihil aliud ibi conseretur, quam Sanctissima Eucharistia.

De-

Decebit autem, ut lampas è regione non à latere præluceat.

Antiquæ custodiæ in pariete Sanctissimi Sacramenti penitus amoueantur; vel signo omnino deleto, in alios vñus adhibeantur, ut Reliquiarum, aut Olei infirmorum, ad præscriptam formam aptatae.

### TABERNACULVM PRO faciendis Procescionibus.

CLARO vitro vndiq; circuñatū sit.

Lunulam habeat, in qua Sanctissima Eucharistia inseritur, huiusmodi, ut possit comodè aperiri, & fragmenta colligi, si qua fortè ibi relicta sint: Ipsa autē Lunula, & Basis, & Scutulus saltem ex argento constet.

Ponatur verò in ipsa itidem Cathedralis Ecclesie Sacraria Lunula huius materialis forma.

### P I X I S.

**A** Tabernaculo supradicto disiuncta fit, & ad formam conflata, ex argento inaurata; quæ forma itidem ponatur in eadem Cathedralis Ecclesie Sacraria.

Duas Pixides vnaqueq; Parochialis Ecclesia saltem habet, alteram maioris formæ pro communione generali, alteram minoris pro Sanctissimo Sacramento ad infirmos deferendo.

Pro qua Pixide ad infirmos ipsos deferenda, Bursa à Parocho vnoquoq; per Diocesini habetur ornatissima, cum opus facit, adhibenda.

### R E L I Q V I A R V M.

**R** Reliquie in honore conserventur in Reliquario pro Ecclesiari facultibus, & dignitate constructo, ad formam Generalibus Instrucionibus demonstratum.

### S A N C T I S S. C R V C I F I X I imago.

Ecclesia nulla sit, quæ Sanctiss. Crucifixi imaginem sculptam non habeat, loco conspicuo inter Altare maius & populum; sed è ornatiōrem, quod Ecclesia ipsa erit insignior.

### CONFESSIO N A L E

**P**Archialis vnaqueq; Ecclesia, itē singula Parochiali annexa, in qua adiūti confessiones soleant, Confessionale vnum salte habeat; duo verò, quæ ultra quadringentas animas curat.

Ecclesiæ verò etiam non Parochiales, tam seculares, quam Regulares, quæ plures Confessarii habere consueverunt, tot Confessionalia habent, quot Confessarii.

Confessionalis ipsius perfecta forma in Cathedrali Ecclesia poterit cognosci; ad quam vniuersisque suum redigat, in Urbe trium mensium ad summū spatio, in Diocesii verò sex; qui terminus possit à Reuerendiss. Archiepiscopo protrahi ad tres menses in pauperibus Diocesis Ecclesijs.

In ipso Confessionali affixa itidem sit Bulla in Cœna Domini, vel eius transumptus; Notula casuum reseruatorum Reuerendiss. Archiepiscopo; Forma abolutionis; & Orationes quædam pīx ad id impresæ; quæ omnia in iisdem Cathedralis Ecclesie Confessionalibus conspiciuntur.

Eo termino transacto, qui mulierum confessiones in Ecclesiæ audierit, etiam si Regularis sit, non constitutis ad eam formam Confessionalibus, vel salte nō habentibus, quæ in eis potissima sunt, vt afferes, & laminam, Confessarium à femina honeste ac tuto iudicio Reuerendiss. Archiepiscopi diuidentes; à Confessarij munere ipso factō suspensus sit, quoadusque Reuerendiss. Archiepiscopo videtur.

Idem sancitur, si quis in his Confessionibus mulieres audiendo, eas genuflexas habuerit è conspectu sedis sue, non loco à latere pénitenti constituto.

Confessionale antem ipsum loco aperio atque conspicuo sit in omnium oculis collocatum, vt & Confessarius, & confitens possit ab unoquoq; facile cōspicere.

### V A S P R O A Q V A

Benedicta.

**I**n Ecclesia sit, non extra. In ingressu Ecclesiæ, & ad Portam vnamquamq; à dextris, non à sinistris introeuntium.

Mar-

Marmore cōstet, vel petra solida, non lateritia.

Columella, vel alia Base suffultum sit.

Aspersoriū decens habeat appensum, non ex spongia, sed ē fetis confectum.

## F E N E S T R A E.

**N**Vlla permittatur fenestra, ex qua foris stans Missam quis possit videre, sed inaedificantur omnes duorum ad summum mensum spatio; alioquin Ecclesię ipsa interdicantur, donec id p̄st̄tum sit.

Fenestræ omnes vitro, vel saltem teſta contextæ ſint, atque etiam clatratae, pſertim in Parochialibus, niſi altæ admodum ſint: Opportunum autē videretur, vt rete etiam ramni, vel saltem filii effient contextæ, nē in Ecclesiā poſſent aues intrare, & nidos conſtruire; quoſ nidos nihilominus amoueat flatim Rector, ſub pena ſeutorum ſex, ſodalitati Sanctissimi Sacramento applicandorū.

## S E P V L C R A

**M**Armore, vel petra ſolida conteſta ſint dupliči, vel saltem vnicā, ita aptè vtiq; atque compreſſe, vt inde malus odor exire nullo modo poſſit: atque id triū ad summum mensum ſpatio: quo termino tranſacto, Sepulcra omnia in quibus id non erit p̄st̄tum, humo impleantur adæquato ſolo, & nullus in illis aniplius non ſepeliatur.

In posterum verò nulla in Ecclesijs Sepulcra edificantur, niſi oſtiū illarum dupliči petra obſtruator, octo inter ſe vnicis diſtante; & murus inter vtrāq; pētrā ponatur, quō tertiō à ſeſtore redatur Ecclesia.

Potra autem ipsa oſtiū æqualis vndequaque ſit, neq; figuram vllā, aut inſculptas literas, vel aliud quidquam habeat, quod ſuperemineat ac ſupererēt. Sepulcrum ipſorum in posterum edificantorum oſtiū longē abſit ab Altaris Scabellō ligneo, vel Bradella, cubitis ad minus tribus: Sepulcra verò ipſa ad Scabellum lignēum non pertingat.

Verūm curetur omni ratione, vt antiquus, ac probatissimus moſ ſepeliendi

in Cœmterijs ia vſum reuocetur: neq; Se pulcra noua in Ecclesijs edificantur abſque licentia in scriptis obtenta à Reuerendissimo Archiepifcopo: In Regularem verò ecclesijs, ſaltem à Reuerendo Patre Prouinciali: qui eiūſmodi licetian dare nō poſlit, niſi ea Sepulcra ad p̄ſcriptam formam conſtruantur.

## C O E M E T E R I A.

**T**VT O clauſa ſint cœmteria omnia, & in eorum ingressu crata ferrea, vel ſaltem lignea apponatur, vt in ea brutis impeditur accessus, quōd ſi ratio poſſet iniri, vt etiam canes arcerentur, p̄gclarē actum videretur.

Vites, arboresq; ompes fructiferæ ē Cœmterij omnibus extirpentur, atq; benè illa purgentur; idq; fiat duorum ad summum mensum ſpatio, ſub pēna Reatoris ipſi Reuerendiss. Archiepifcopi arbitrio.

Cam peſtrum & aliarum ruraliū Ecclesiārum claves à Parocho teneantur, niſi alij id à Reuerendiss. Archiepifcopo committatur; neque in illis quidquā profani reponatur; cureturq; omni ratione, vt clauſe ſeruentur: Quod si omni conatu & diligentia, ac censura etiam ecclæſtīca, & temporali maleitia adhibita, id non poterit obtineri, & pro ſtabulis, vel alijs vſib⁹ indecentibus illę omnino dignoſcentur inſervire (vt in viſitatione alicubi cognitum eſt:) ſatiuſ vi detur eſſe, vt demolirentur, quām vt diu tius permitteretur, ad vſus eas tam ſordidos ac inhoneſtos adhiberi.

Si verò quidquam habebunt Ecclesijs huiusmodi in redditu, ea pecunia ad earum clauſuram potiſſimum tuendam inſumatur.

Decernitur autem, & declaratur ex nūc, pauperibus loci Vicarii foranei iudicio diuidendum, quidquid profani in huiusmodi, at que etiam in alijs quibusuis Ecclesijs reperietur.

Hæc de materialibus Ecclesiārum rebus colleta sunt, in quibus peccari frequentius cognitum eſt in viſitatione: Plura verò, atq; exactiora ab Illustriss. Ordinario animaduera ſunt: comprehenſa ſunt in ſuprascripto libello, quem de

de ea re confe cit ex Provincialis Concilij Decreto ad quem libellū hęc quoque omnia referantur, eaq; ad expressam in eo rationem & formam perficiatur: & item ea, quę ab Illustrissimo ipso Ordinario in suis iam peractis visitationibus decreta sunt, & in hac Visitatio ne comprobantur.

MENSURA Cubiti de qua  
in his Decreliis agitur, que  
vncijs xxiiij. confitat.  
Eius Cubiti quarta pars trāf  
uersa hac linea describi  
tur, sex vncijs dispartita.

QVAE PERTINENT  
Ad Clerum.

**E**TSI ea est Cleri huius Mediolanensis, tum in Diuino cultu, Ecclesiasticiisq; muneribus, tum in domesticis moribus, atque institutis disciplina; vt eius nequaquam penitendum sit: tamen cū nonnullis in rebus multorum studium ac diligentia desiderata fuerit, in parendo salutaribus iamdiu ab Illustriss. Ordinario pr̄scriptis, & frequenter innovatis monitis atque pr̄ceptis, Quędam visa sunt hoc loco colligenda, in quibus cognitum est peccari crebris, vt planè vitentur in posterum; & noue etiam rationes incautae ab eodem Illustriss. Ordinario, vt pr̄ceptis illis ac monitis omnino obtemperetur.

Missa ne omittantur, quę tum proprio Parochiæ munere, tum ex Altariū, aut Cappellarum institutione, aut quo-vis legato, aliove nomine, celebrandæ sunt. Quod si maius sibi aliquis onus ex institutione, aut legatis impositum sentiat, quam vt ferre videatur posse: non sibi ip̄i ea in re ius dicat, sed ad Reuerendiss. Archiepiscopum cōfugiat, qui onus ipsum legitimè subleuabit.

Idem dicitur de Annualibus.

Habeat Parochus unusquisq; requisitos libros, atque etiam ex Spiritualibus aliquem; qui si à Clerico in Mēsa quoq; priuata legeretur, optimè factum vide retur: sed Benedictio Mensæ ipsius, ac postea gratiarum actio nequitam omit tatur.

Libri autem ip̄i tractentur, & statim lectiones frequenter, & Congregations, incumbaturq; omni ratione in se crarum literarum studia, & in deuotio nis ac pietatis spiritum acquirendum.

Festis diebus Parochus nullus sit, qui populum suum in Missa nō colloquatur, (si ad id idoneus non sit, donec Coadiutorē eo in munere habeat) ē libro saltē recitat aliquid, quod ab omnibus intellectum, eorum animos ad amorem Dei, & proximi dilectionem pos sit accendere.

Quamobrem qui recitabit, id, quod lecturus est, ante solus diligenter cognoscat, eiusq; sensum percipiat; quem si libro dimisso postea suis verbis explicaret, magis Populo absque dubio professet: Populum verò alloquendi nulla potest utilior excogitari ratio, quam si Euangelium ipsum interpretetur; cuius explicatio, & interpretatio ipsi facilior erit, & auditoribus fructuosa, si libro Euangeliorum ante Sacerdotem collo cato, Euangelium Lector (cuius id proprium munus est) sibi adsit; si minus, Clericus (dum commode legat) aut planè Sacerdos ip̄se, per membra, clausulas, & sententias sedatè, distinctè, atque ex ordine pronunciando, eadem illud ratio ne exponatur: Verū si quid erit Reuerendiss. Archiepiscopi iussu in Missa enunciandum, aut è scripto recitandum, id erit faciendum antea; neque supradicta omittenda, si tempus patietur.

Cū sacramentum aliquod admini stratur in frequentia Populi, eius vim atque virtutem explicare non omittat Sacerdos.

S V V M E T I A M M V N V S  
diligenter obeant Parochi.

**I**N Ecclesiarum, sacrorumq; Officio rum, ac totius diuini cultus decore ex animo diligendo, atq; eam dilectionem re ipsa comprobando.

In continendo in officio, & deuotio ne Populum, vt pię ac religiose se gerat in Ecclesia, & à pr̄scriptis ea in re legis non recedat; atque vt mulieres à vi ris separate atque distincte sint, pr̄ser tim in Pr̄dicatione.

Im

In Doctrinæ Christianæ Scholis fouendis, atque augendis; atque in instituendis pecudum, aut iumentorum Pastori bus, cùm domi degunt in hyeme.

In Choreis publicis, ac ludis Festo die impediendis; In detinendo presertim tunc temporis Populum in Ecclesia, diuinis Officijs, sacris precibus, & pīs sermonibus occupatum.

In Vespertinę Orationis probatissimo instituto retinendo.

In curando, vt vnuſquisq; & paupe res etiam male veltiti, qui propterea in gredi Ecclesiam erubescunt; & Pastores ouium, aut iumentorum, Missam audient Festis diebus, idq; in Parochiali ppria: Munusq; sit Reuerendissimi Archiepi scopi operam dare, Romani etiam Pontificis implorata si opus sit auctoritate, vt impedimenta amoueantur, si que ob stent Decreto huic saluberrimo, de Mis sa audienda ab uno quoq; in propria Parochiali Feste die, quæ Missa opportuno tempore celebretur, neq; ad cuiusvis au toritatē differatur: sed in quibus Parochialibus Ecclesijs plures Missæ celeb rantur, vna celebretur in Aurora quoti die, nisi Festis diebus ea re Populus à Predicatione cognoscetur auerti.

In benē instruendo atque erudiendo, qui primum ad Sanctissimam Communionem accedunt.

In non admittendo ad tenendum infantem in Baptismo, qui prima Fidei rū dimenta ignorat.

In Baptizatorum ipsorum, & compa trum nomina, item Matrimonia cōtra hentium annotando; & Statum Animarum confiendo ad prescriptam formam; iplosq; libros statutis temporibus deferendo in Archiuum Archiepi scopale.

In Medicos admonendo, & iudi Magistros, vt salutaribus Apostolicis, & Provincialibus Constitutionibus, quæ eos tangunt, obediant.

In Hæreticis hominibus, aut suspe cti hæresis peruestigandis, eorumq; no minibus infra itarum terminum defen dendis, & omnini adhibenda diligentia, nè aut vicinitas, aut conuersatio sanos officiat.

In describendo singulis annis yniue

sos suæ curæ commissos dolí capaces; & in non administrando in Paschate Sanctissimæ Eucharistie Sacramento, nisi confessis sibi, aut alicui ex Confessarijs approbatib; de qua Confessione fidē scri ptā ferant: quam fidem Confessarij omnes promptè faciant; & apud se etiā no mina confitentium describant, vt multis fraudibus occurratur.

Missa celebretur, non quasi ex consuetu dine, sed magna cum attentione, & deuotione, sedatè, tranquillè, leniter; vt spiritualem, ac diuinam rem agi omnes cognoscant.

In Missâ nihil addatur, vel omittatur, Sacerdosq; ad id benē instructus in vna qua q; Plebe per Diocesim, & in singula Regione per Ciuitatem, iuxta Provin cialis Cōcilij Decretum nominetur; ad quem accedat vnuſquisq;, vt cāremo nias in Missâ requisitas benē cognoscat. Dum sacras vestes induit Sacerdos cele bratus, prescriptam indumento vnicuiq; orationem ac preces recitet; item post Missam celebratam: & ante ac post se ipsum colligat, cogitans, quid acturus fit, & egerit.

Missæ verò eodem tempore in Altaribus ita inter se disiunctis ac separatis cele brentur, vt alter Sacerdos ab altero nō perturbetur, neq; si fieri possit, audiatur: In quo peccari solet maximè, dum Officiā pro Defunctis peraguntur; cùm Sa cerdos vnuſquisque more impatiens, quid deceat ea in re, nihil curat: Quod si tempus eo die non patietur, vt Missæ ille omnes celebrentur, in alteram potius diem differantur aliquę, quām vt sa lubri huic Decreto non pareatur.

Dum autem Missam Reuerendissimus Archiepiscopus celebrat vel publicè vel pri uatim in Ecclesia, aut Sermonem habet, Missa alia interea in eadem Ecclesia nō celebretur, donec Benedictio in fine Mis sa impartita sit, nisi aliter aliquando vrgenti de causa eidem Archiepiscopo vi debitur: Hoc idem Institutum induci paulatim poterit in Missis etiam Con ventualibus, ac presertim in Oppidis, & Pagis, & præcipue Festis, ac solennibus Ecclesiarum ipsarum diebus.

**IN COLLEGIATIS ECCLESIS**  
seruentur accuratius, quæ in Pro-  
vincialibus, & Diocesanis  
Synodis ea de re sta-  
tuta sunt.

**D**E hora incipiendi diuina officia.  
De accedendo, stando, & receden-  
do è Choro.

De punctandis absentibus, aut qui ve-  
titum quid in Choro admiserint.

De Missis duabus solemniter celebrâ-  
dis, cùm vel ferie, vel diei festi ratio ita  
po itulat.

De duabus Lectionibus in Missa soléni-  
cantandis ex Ecclesiae huius instituto.

De Canonicalibus ædibus habitandis,  
carumq; cōmuni porta noctu claudēda;

De Archivio construendo.

De Lectione Theologali, vel saltem  
Grammatices, pro conditione Ecclesia-  
rum habenda.

De Baculo in Processionibus à præ-  
positis deferendo.

Item de Cappa Præpositis ipsis nu-  
per concessa.

De spiritualibus Capitulis celebra-  
ndis: à quibus qui sine legitimo impedimento  
abfuerit, dici illius distributio-  
nes amittat, quas acquisierit.

De cura diligenti habenda, vt iuxta  
Bullam felic. Recor. Pij V. & decreta Ar-  
chiepiscopalium, Populus honestè ac reli-  
giouse veretur in Ecclesia.

**IN SVIS ETIAM MÖDERANDIS**  
moribus, & ad præscriptam sibi iam-  
diu Regulam conformandis, Cle-  
rici diligentes sint.

**I**N auaritia euitanda, præsertim in fa-  
neribus, quo in genere peccatur ma-  
iori cum scandalo.

In frugilitate virtus sectanda.

In confacerdote non contemndo,  
licet ingenio, vel doctrina, inferior sit.  
In abstinendo à vestibus vetitis, & colo-  
ribus, & à nimia cum Sæcularibus famili-  
laritate, & à vagando per Vicos, & Pla-  
teas.

In Tonsura deferenda, præsertim la-  
biorum.

In se presentando Reverendiss. Archi-

episcopo, vel eius Vicario, cùm è Diœc-  
si quis Mediolanum accedit.

Omnino q; stat, videat, nè cadat, & q;  
se aliquid in via Domini profecisse sen-  
tiat, gradum non sifat, sed progredi-  
do quotidie magis, & vitæ Sacerdotaliæ  
puritatem, ac sanctimoniam plus plusq;  
in dies amplectendo, ad metam conten-  
dat, ad quam non ante coronatur.

Qui ad Subdiaconatus Ordinem promo-  
uendi erunt, in tam magna totius suæ vi-  
te deliberatione omittere nullo modo  
decebunt, quin ante ipsam Promotio-  
nem generali anteactæ vita totius Con-  
fessione facta, in spiritualibus exercita-  
tionibus saltem per mensem versentur,  
duce sibi aliquo ea in re Religioso ac  
pío viro & moderatore assūpto, à Re-  
verendiss. Archiepiscopo ad id compro-  
bato: quod etiam à Diaconibus omni-  
bus planè desideratur, antequam ad Sa-  
cerdotij gradum ascendant.

Idem si Sacerdotes etiam facherent, at-  
que ij quoque, qui prouectoris ætatis  
sunt, magnum inde plane fructum percili-  
perent: Valde item esset vtile, vt Sacre-  
dos vnuſquisq; atque etiam Clericus tā  
in Ciuitate, quām per Diocesim, certū  
ac firmum Confessarium Sacerdotem ha-  
beret ex approbatis, à quo nisi in ma-  
gna necessitate non recederet; siquidem  
anima folet non minus obesse Confes-  
sariorū mutatio, quām corpori Me-  
dicorum.

Functiones sibi assignatas in statutis  
Ecclesijs obire vnuſquisq; non præter-  
mittat; & confiteri præscripto tempore  
peccata sua; & Sacram Communionem  
sumere, omni pietatis, & in viam salu-  
tis progrediendi studio, & fidem habere  
scriptam Confessionis, vt eam iuxta præ-  
scriptum exhibeat.

Sacerdotes autem in primis Decretum  
ipsum de frequenti Confessione facien-  
da seruent accuratissimè, Confessarijs  
ad eorū confessiones audiendas probatis.

Clericus saltem vnuſ in vnaquaq; Pa-  
rochiali Ecclesia sit, qui à Parochio ipso  
non occupetur in vilibus & sordidis do-  
mus operibus, quæ ei impedimento sint  
ad suum munus execendum, & literas  
addiscendas: cureturq; à Parochio vno-  
quoq; quo poterit maiorem puerorū

DURUS

numerum ad Ecclesiasticas res, & disciplinam applicare, ut iam omnes admittantur Illustriss. Ordinarius.

Laici non permittantur functiones exercere minorum Ordinum, & merces quæ custodi alicubi assignata est, ei detur, qui spem præbeat in Ecclesiastica via progrediendi.

Atque si etiam habitu vestitur Clericalli præsertim in Ecclesia: omninoq; tota hac in te executioni demandetur Decreto Synodis quartæ Diocesanæ.

Inventaria bonorum immobiliū Ecclesiistarum quarumcunq; quæ adhuc delata non sunt, infra annum omnino defrantur in Archiuum Archiepiscopale, iuxta Provincialis Cœcilijs sanctionem.

Nulla aut Capsula, aut Cutula, aut Vasa aliud, aut excavatum lignum, aut aliud quidvis ponatur in Ecclesia, etiam Cathedrali, vel Atrio, quavis occasione, vel causa, ad Eleemosinam recipienda, nisi de licentia Reuerendiss. Archiepiscopi in scriptis obtenta: tuncq; Capsulae illi, vel rei aliae ad id paratae, duæ claves apponantur diuerso fabrili opere fabricate; quarum altera teneatur ab eo, quem ad id Reuerendiss. ipse Archiepiscopus nominarit; altera ab ijs, quorum nomine ea Eleemosina colligetur.

Merces, quæ datur à Populo curatis suis, ita firmetur, ut perpetua sit, & certa; quod Sacerdotes suam ipsi Populo operam præstantes, ut proprijs ouibus preffint, ibi q; suam mētem cogitationemq; defigant: quod facere nequit quam poterunt; si ex aliorum nutu penderibunt, ac varijs hominum opinionibus nientur.

Commune Diocesanorum Sacerdotum, & Clericorum Hospitalium Mediolanii constitutatur, ratione iamdiu excogitata ab Illustriss. Ordinario; ut Capponne penitus videntur, & impensa etiam Sacerdotum ipsorum consulatur.

#### QVÆ PERTINENT Ad Pia Loca.

**A**DMINISTRATIONIS Sodaliatum, Scholarum, hospitalium, Consortiorum, Congregationum, Fabricæ Ecclesiistarum, & Piorum locorum quorumcunq; rationes exhibeantur quotannis Reuerendiss. Archiepiscopo, vel ab

eo ad id electo; ab eodemq; Sodalites, Scholæ, Consortia, Hospitalia, Fabricæ Ecclesiistarum, Congregationes, & Pia ipsa loca quæcunq; visitentur iuxta Sacros Canones, & Sancti Tridentini Concilij Decretum: Ipsiq; Administratores, vel Deputati, aut Scholares seruent diligenter Provincialia Decreta, de Iuramento præstanto, de Bonis non alienandis, de Inventario Bonorum omnium immobiliū conficiendo: cuius exemplum Notarii publici auctoritate munatum in Archiuum Archiepiscopale infra annum omnino deferat; tum reliqua præsent, quæ ipsis ab ipsis Concilijs prescribuntur; illudq; in primis, ut in Eleemosinarum distributione, quicunq; idoneis habent, atq; omnes planè in tota ipsa administratione, eam ratione ineant, atque ita se gerant, ut constare facile possit Reuerendiss. Archiepiscopo, Pia omnia reliq; iuxta testatorum, vel aliorum qui dederunt voluntatem, executioni penitus fuisse demandata.

Librum autem habeant, in quo distincte & explicatè descripta sint legata omnia, & onera, quæ illis imminent; cuius Libri exemplum, publici item Notarii auctoritate munatum deferant in Archiuum Archiepiscopale: Tabella pterez sit in loco affixa, in quo solent congregari, cum ipsis oneribus, & legatis strictim anno catis, mensum ordine seruato, & rerum ipsorum genere, ad formam Tabellæ illius, quæ a Congregatione Sancti Iosephi nuper impressa est: In quibus quidem libris, & Tabella, ea in dies erant addenda, vel deficienda, quæ aut a geni conigerit, aut minui.

Nullo modo permittatur, ut Administratores suprascripti Fabricæ Ecclesiistarum, aut Piorum locorum quorumcunq; vel eorum Procuratores Urbani, vel Rurales, aut eorum filii, vel propinq; vel alius qui ex illis pèdeat Empiteosis, locationisve nomine conducat prædia, aut aliud quidvis, quod ad suam administrationem, vel procurationem pertineat: Si quis autem est qui id fecerit, statim ab ea administratione vel procuratione amoueat, ceteraq; in ea reseruentur, quæ Decreto Provinciali cayza sunt.

Ipsi

Ipsi vero Procuratores, animaduer-  
tant, ne rerum sibi arrogent imperium,  
diutius in Procuratione illa perseveran-  
tes: qui, si alioquin erant idonei, poten-  
tia ad alias provincias, aliaq; onera  
transferris. Sed omnino ceteret, ut administratio-  
nis sue rationes frequenter Procurato-  
res ipsi exhibeant; & Formula eis pra-  
scribatur, qua Diarios, & Codices tene-  
re possint eiusmodi, ut facile, atque ex-  
plicatè describatur, & cognoscatur ex-  
pensi ratio, & accepti.

Liber separatus habeatur in Capitu-  
lo unoquoque Fabricæ Ecclesiærum, &  
Piorum locorum quorumcunq;, in quo  
libro apposito die describantur Propo-  
sitiones omnes, que in ipso Capitulo  
sunt, & non obtinentur; ut constare fa-  
cile possit omni tempore, eas fuisse reie-  
tas.

Decreta omnia, vel Ordinationes, que  
sunt in Capitulo fabricæ Ecclesiærum, &  
Piorum ipsorum locorum, exarentur  
in libro ad id consecro à Cancellario,  
eisq; subscribatur ab ijs, quorum id mu-  
nus est, plane ante proximum futurum  
Capitulum; in quo etiam Decreta illa  
ab eodem Cancellario recitentur.

Eleemosinæ, que per capita, non ve-  
ris pauperibus distribuuntur, inter ipsos  
pauperes tantummodo erogentur; nisi  
lex mensium spatio probatum sit Reue-  
rendiss. Archiepiscopo, ita expressè à Te-  
statore fuisse caustum, atq; iussum.

Sodalites omnes Disciplinorum  
Regulam habeant Sodalitatibus huius-  
modi ab Illustriss. Ordinario cōscriptā,  
& impressam, eamq; exequi omni stu-  
dio nitantur.

Aliarum item Piarum Sodalitatum,  
& Confraternitatum Regulæ, ac libri,  
vel Constitutiones, aut Orationes, à  
Reuerendiss. ipso Archiepiscopo recogno-  
scantur, iuxta Decretum Concilij Pro-  
vincialis Secundi; que vero nullam Re-  
gulam habent, ab eodem Archiepisco-

po eam sumant quanto citius.  
Coniuia ex Sodalitatis alicuius facultati-  
bus, aut eleemosinæ fieri solita, nullo  
modo in posterum celebrentur.

DECRETA suprascripta generalia,  
item particularia suo quæque loco pos-  
ta ad Pia loca pertinentia, ut execu-  
ti omни demandentur, efficiat Reue-  
rendiss. Archiepiscopus.

ATQVE hæc quidem omnia, que  
tam priuatis, tum communib; Decre-  
ta continentur, non tam ad nouas leges  
condendas, quam ad vetera Illustrissimi  
ipsius Ordinarij Statuta executioni pla-  
nè demandada, conscripta sunt.

CAETERA, ut in Concilijs Prouincialibus, Diœcesanis Synodis, & impre-  
ssis Illustriss. ipsius Ordinarij instruc-  
tionibus, Generalibusq; Admonitionibus,  
& Edictis: que cuncta, ut piè ac pruden-  
ter composita, magnopere comprobantur:  
quibus etiam ea in dies addēda, que  
ad Ecclesiasticam disciplinam quoti-  
die magis augendam, & illi probatissi-  
mè (quantum fieri poterit) conforman-  
dam Sp̄itū Domini suggesterit.

EX POENIS vel multctis, que pa-  
sim in huius Visitationis Decretis posi-  
tae sunt, primum ea fiant (si præfinito té-  
pore non erunt peracta) que decernuntur:  
tum quod erit reliquū in eius ipsius  
Ecclesiæ, in qua ea statuuntur, commoda,  
atq; ornamenta, vel in aliū pium vsum,  
Reuerendiss. Archiepiscopi arbitrio  
conuertantur: Vbi vero multa non est  
apposita, ab eodem Archiepiscopo, pro  
sua prudentia, & charitate apponatur.

DECRETORVM OMNIVM, tā  
particularium, quam Generalium Visi-  
tationis huiuscè executo, Illustriss. &  
Reuerendiss. D. Carolo Cardinali tit. S.  
Praxedis Archiepiscopo summopere co-  
mendatur: de qua quidem executione  
reddere ipse rationem debebit, & Sum-  
mo Pontifici, cuius nomine, atque au-  
toritate hæc visitatio facta est; & Christo  
Domino in die IVDICII.

L A V S D E O